



Universitätsbibliothek Paderborn

**Spes & Fiducia, Cvrис Ivdiciisqve Dei, Erga Homines In Hac
Vita Existentes, Firmata**

Stengel, Georg

[S.I.], 1645

§. 13. Seculares quoque, escæ non nimiam debent habere curam; nec
putare, tempus pœnitentiæ ad se nihil pertinere.

[urn:nbn:de:hbz:466:1-49823](#)

sicut tres pueros, olusculis pinguiores facere, quam alij Iouialibus cœnis & regum delicijs efficiantur; cum camelos ipsos sine ductore regere, sine pastu, plusculos dies, conferuare; *quid timidi estis, modicæ fidei?* quid contra Dominum murmuratis? quid indignè fertis? quid ad artes malas configuratis? quid iugum illius detrectatis? in simplicitate cordis, rem vestram agite, & aget suam Deus: seruite illi, & seruiet ille vobis, supra consuetudinem aliorum dominorum.

§. XIII.

Seculares quoque, esca non nimiam debent curam habere; nec putare tempus pœnitentia ad se nihil pertinere.

Neque verò Religiosis duntaxat ista dicuntur, qui omnem harum rerum curam Superioribus debent relinquere, & non culinæ, sed toti cœlestibus vacare; verùm multò maximè occinenda sunt ijs etiam, qui vitam omnem diurnis nocturnisque laboribꝫ impendunt; qui iam timent, ne morbis debilitati, inidonei efficiantur, ad panem quærendum; iam, ne filij multiplicentur supra facultates: iam, ne hostis irrumpat, & longis curis parta auferat, & mille talia, quæ inquietos reddunt. Seruant illi Deo, & De-

us

us alet seruos suos. Impendant, in quadragesima, operibus pænitentiæ, quantum in Bacchanalibus luxui impenderunt; extenuent ventrem jeunijs, quem distenderunt epulis; emacient faciem inedia, tegant genas pallore, quas antea laruis deformarunt, & dæmonibus similes reddiderunt: induant tunicam cilicio vtiliter molestam, habitumque seipso flagellantum, qui ridiculis stultorum vestimentis tecti, per plateas, Mænadum, aut thyrzos vibrantium Baccharum instar, insaniuerunt: denique qui hostem peccatis suis meruerunt nobis adducere, virtutibus suis eundem propellant. Gerit enim se Deus erga nos, quemadmodum nos ipsi nos gerimus erga Deum. Nulla

S. August
in epist.
ad Galat.

creatura est, ait S. Augustinus; quæ non, velit, nolit, diuina prouidentia seruat: Facit enim cum ea, quæ ex animo seruit, quod bonum est: de illa vero, quæ hoc non vult, fit, quod iustum est.

C A P V T V.

Deum, tum in omni, tum etiam in peccataria necessitate, egentibus mirabiliter subuenire.

§. I.